

ხელშეკრულება

ქ.ახალციხე

03.04.2019 წ.

ჩვენ, აღნიშნული ხელშეკრულების მხარეები: ერთის მხრივ სსიპ სამცხე-ჯავახეთის სახელმწიფო უნივერსიტეტი, წარმოდგენილი მისი რექტორის მაკა ბერიძის სახით (შემდგომში - უნივერსიტეტი) და მეორეს მხრივ, ი/მ „vet-clinic DADU“, წარმოდგენილი კლინიკის უფროსის ნინო ვარდიძის სახით (შემდგომში - კლინიკა), ორივე მხარე ერთად წოდებული როგორც „მხარეები“, ვდებთ წინამდებარე ხელშეკრულებას შემდეგზე:

მხარეები ისწრაფვიან რა ურთიერთობების განვითარებისა და განმტკიცებისაკენ, იღებენ მხედველობაში ტექნიკური, სამეცნიერო და საგანმანათლებლო თანამშრომლობაში ორმხრივ დაინტერესებას, აცნობიერებენ სასწავლო/საწარმოო და სამეცნიერო-ტექნიკური პოტენციალის სრულად გამოყენების შესაძლებლობას ახალგაზრდა თაობების აღზრდისათვის უმაღლესი განათლების სრულყოფის სფეროში, კეთილი ნების თავისუფალი გამოვლენის საფუძველზე, კლინიკა, რომელიც აფილირებულია სამცხე-ჯავახეთის სახელმწიფო უნივერსიტეტთან გამოთქვამს მზადყოფნას ამ ხელშეკრულების ფარგლებში ურთიერთ თანამშრომლობის თაობაზე და მხარეები თანხმდებიან შემდეგზე:

1. ხელშეკრულების საგანი:

1.1 წინამდებარე ხელშეკრულებით კლინიკა, როგორც სამცხე-ჯავახეთის უნივერსიტეტთან აფილირებული კლინიკა, ვეტერინარიის ინტეგრირებული სამაგისტრო საგანმანათლებლო პროგრამით განსაზღვრული სპეციალობის (დარგობრივი) პრაქტიკისა და სასაწავლო კურსების სილბუსის/სილაბუსების (ამავე ხელშეკრულების დანართი №1), შესაბამისად უზრუნველყოს პრაქტიკული კომპონენტის განხორციელება შემდეგი მიმართულებებით:

- ქირურგია;
- გინეკოლოგია;
- ულტრაბგერითი გამოკვლევა ანუ(ექოსკოპია);
- თერაპია;
- გრუმინგი,(კასტრაცია,სტერილიზაცია);
- პროფილაქტიკური ღონისძიებები (ვაქცინაცია) და სხვა.

2. ხელშეკრულების მოქმედების ვადა და პირობები

2.1 პროგრამის სახელწოდებაა: ვეტერინარიის ინტეგრირებული სამაგისტრო საგანმანათლებლო პროგრამა.

2.2 პრაქტიკული კურსის ხანგრძლივობა, დაწყებისა და დასრულების ვადები ემთხვევა უნივერსიტეტის შესაბამისი სასწავლო სემესტრის ვადებს.

2.3 პროგრამის პრაქტიკული ნაწილის აღწერა: პროგრამის ფარგლებში დაგეგმილი პრაქტიკული ღონისძიებები მიმართულია ვეტერინარიის სამაგისტრო პროგრამის სტუდენტების პრაქტიკულ საქმიანობაში ჩართვისა და მათთვის შესაბამისი პროფესიული უნარ-ჩვევების გამომუშავებისაკენ. გავლილი პრაქტიკა სტუდენტებს უღიარდებათ სპეციალობის პრაქტიკის პროგრამისა და პრაქტიკის სილაბუსის მოთხოვნების მიხედვით.

2.4 ხელშეკრულებას თან ერთვის სპეციალობის პრაქტიკის პროგრამა და პრაქტიკისა და სასაწავლო კურსის სილაბუსები (დანართი №1), რომელიც განსაზღვრავს პროგრამის დეტალებს და წარმოადგენს ხელშეკრულების განუყოფელ ნაწილს. შეფასების კრიტერიუმები გაწერილია სილაბუსით.

2.5 წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს მხარეთა მიერ რაიმე სხვა გადაწყვეტილების მიღებამდე.

2.6 ხელშეკრულების შეწყვეტის ინიციატორი მხარე ვალდებულია ხელშეკრულების ვადის გასვლამდე 2 თვით ადრე წერილობით აცნობოს მეორე მხარეს შეთანხმების შეწყვეტის თაობაზე.

3. მხარეთა უფლებები და ვალდებულებები

კლინიკის უფლებებია:

- მიიღოს ინფორმაცია ვეტერინარიის ინტეგრირებული სამაგისტრო საგანმანათლებლო პროგრამისა და სილაბუსების სრულყოფასა და დახვეწაში უნივერსიტეტში არსებული რეგულაციების შესაბამისად;
- კლინიკის შეუფერხებლად ფუნქციონირების მიზნით საჭიროების შემთხვევაში დასვას პრაქტიკის გრაფიკის ცვლილების საკითხი.
- მოითხოვოს პრაქტიკის ობიექტზე შინაგანაწესის შესრულება, დაცვა და განახორციელოს კონტროლი.
- განახორციელოს საქართველოს კანონმდებლობით განსაზღვრული სხვა უფლებამოსილებანი.

4. კლინიკა ვალდებულია:

- 4.1 კლინიკა, რომელიც აფილირებულია სამცხე-ჯავახეთის სახელმწიფო უნივერსიტეტთან ვალდებულია უზრუნველყოს პროგრამით გათვალისწინებული პრაქტიკის კომპონენტის განხორციელება დანართი 1-ით გათვალისწინებული სპეციალობის პრაქტიკის პროგრამის, პრაქტიკისა და სასაწავლო კურსების სილაბუსების შესაბამისად კლინიკის საქმიანობის სფეროს გათვალისწინებით;
- 4.2 გამოყოს კვალიფიციური სპეციალისტი პრაქტიკის ხელმძღვანელად;
- 4.3 უზრუნველყოს სპეციალისტების მიერ სტუდენტებისთვის პრაქტიკული გამოცდილების გაზიარება და სტუდენტების ჩართულობა პრაქტიკული ხასიათის უნარ-ჩვევევების განხორციელებაში;
- 4.4 ნება დართოს უნივერსიტეტის წარმომადგენელს დაესწროს წინამდებარე ხელშეკრულებით განსაზღვრული ვალდებულებების შესრულების პროცესს.

5. სსიპ სამცხე-ჯავახეთის სახელმწიფო უნივერსიტეტის უფლებებია:

- საჭიროების შემთხვევაში, უნივერსიტეტში მოქმედი რეგულაციების შესაბამისად სასწავლო პროგრამის შეტანილი ცვლილებები ასახოს სილაბუსებში

6. სსიპ სამცხე-ჯავახეთის სახელმწიფო უნივერსიტეტი ვალდებულია:

- 6.1 სასწავლო სემესტრის დაწყებისას მიაწოდოს კლინიკას სტუდენტების სია და მათი საკონტაქტო ინფორმაცია;
- 6.2 დოკოულად მოახდინოს კლინიკის ინფორმირება სპეციალობის პრაქტიკისა და სასაწვლო კურსების სილაბუსის ცვლილების შემთხვევაში;
- 6.3 დაიცვას შრომითი ხელშეკრულებით ნაკისრი ვალიულებები;
- 6.4 ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე ვალდებულებათა კეთილსინდისიერი და ჯეროვანი შესრულება.

7. დასკვნითი დებულებები

- 7.1 წინამდებარე ხელშეკრულება გაფორმებულია ორი თანაბარი იურიდიული ძალის მქონე ეგზემპლარად.
- 7.2 წინამდებარე ხელშეკრულებაში ცვლილებები და დამატებები შეიძლება შეტანილ იქნეს მხარეთა შორის წერილობითი შეთანხმების საფუძველზე.

„vet-clinic DADU“

საიდენტიფიკაციო კოდი: 47001017686
მისამართი: ქ.ახალციხე მანველიშვილის №4

კლინიკის უფროსი: ნინო ვარდიძე



სსიპ სამცხე-ჯავახეთის სახელმწიფო უნივერსიტეტი.

საიდენტიფიკაციო კოდი: 424066977
მისამართი: ახალციხე, რუსთაველის 113

რექტორი, ასოცირებული პროფესიონალური მაკა ბერიძე

J. Beridze

